

গণপ্রজাতন্ত্রী বাংলাদেশ সরকার
ওয়েজ আর্নার্স কল্যাণ বোর্ড
প্রবাসী কল্যাণ ভবন, ৭১-৭২, পুরাতন এলিফ্যান্ট রোড
ইন্ডাটন গার্ডেন, রমনা, ঢাকা-১০০০
www.wewb.gov.bd

নং- ৮৯.০৮.০০০০.০০৫.১০.০০১.১৯(১১)

তারিখ: ১৭ নভেম্বর ২০২০ খ্রি:

বিষয়: প্রবাসী কর্মীর স্থানদের শিক্ষা বৃত্তি প্রদান সংক্রান্ত নীতিমালা-২০১৯।

প্রবাসী বাংলাদেশী কর্মীরা দেশের অর্থনৈতিক উন্নয়নে ব্যাপক ভূমিকা পালন করে থাকেন। প্রবাসীদের প্রেরিত রেমিটেন্স অন্যতম চালিকাশক্তি হিসেবে দেশের অর্থনৈতিক চাকাকে বেগবান রাখছে। ওয়েজ আর্নার্স কল্যাণ বোর্ড প্রবাসী কর্মী এবং তাঁর পরিবারের জন্য নানামুখী কল্যাণমূলক সেবা কার্যক্রম পরিচালনা করছে। ওয়েজ আর্নার্স কল্যাণ বোর্ড প্রবাসীদের অর্থবহ এবং টেকসই কল্যাণ নিশ্চিতকল্পে বিভিন্ন কার্যক্রম গ্রহণের পাশাপাশি প্রবাসী কর্মীর মেধাবী স্থানদের উচ্চ শিক্ষা গ্রহণে উৎসাহ প্রদানের জন্য শিক্ষা বৃত্তি প্রদান করছে। প্রবাসী কর্মীর স্থানদের জন্য প্রদত্ত শিক্ষাবৃত্তি কার্যক্রম সুষ্ঠুভাবে পরিচালনার লক্ষ্যে ০৫ ডিসেম্বর ২০১৯ তারিখে অনুষ্ঠিত ওয়েজ আর্নার্স কল্যাণ বোর্ড পরিচালনা পরিষদের ২৯১তম বোর্ড সভার অনুমোদনক্রমে এই নীতিমালা প্রণয়ন করা হয়। পরবর্তীতে ২৮-০৯-২০২০ তারিখে অনুষ্ঠিত ২৯৯তম বোর্ড সভায় প্রণীত নীতিমালা আংশিক সংশোধনপূর্বক অনুমোদিত হয়।

১। এই নীতিমালা “প্রবাসী কর্মীর স্থানদের শিক্ষা বৃত্তি প্রদান সংক্রান্ত নীতিমালা-২০১৯ (সংশোধিত)” নামে অভিহিত হবে।

২। উদ্দেশ্য:

- ক) প্রবাসী কর্মীদের অবদানের স্থীকৃতি প্রদান;
- খ) প্রবাসী কর্মীর মেধাবী স্থানদের শিক্ষা গ্রহণে উৎসাহ প্রদান;
- গ) প্রবাসী কর্মীর মেধাবী স্থানদের উচ্চ শিক্ষায় শিক্ষিত করার প্রয়াসে সহায়তা প্রদান;
- ঘ) দক্ষ মানব সম্পদ তৈরি করা;
- ঙ) বৈধভাবে বিদেশগমনে উৎসাহ প্রদান;
- চ) প্রবাসী কর্মীর পরিবারের টেকসই উন্নয়ন নিশ্চিত করা;
- ছ) প্রবাসী কর্মীর অধিকার ও মর্যাদা প্রতিষ্ঠা করা।

৩। বৃত্তির আওতা:

প্রবাসী কল্যাণ ও বৈদেশিক কর্মসংস্থান মন্ত্রণালয়ের আওতাধীন জনশক্তি কর্মসংস্থান ও প্রশিক্ষণ বুরোর ছাড়পত্র নিয়ে যে সকল অভিবাসী কর্মী বিদেশে কর্মরত আছেন বা ছিলেন, অথবা বিদেশে কর্মরত অবস্থায় মৃত্যুবরণ করেছেন, অথবা ছুটিতে এসে দেশে মৃত্যুবরণ করেছেন অথবা নির্ধারিত কল্যাণ ফি জমা দিয়ে ওয়েজ আর্নার্স কল্যাণ বোর্ডের মেমোরাশিপ গ্রহণ করেছেন, তাঁদের স্থানের এই শিক্ষাবৃত্তির আওতায় আসবে। এছাড়া মৃত কর্মীর জন্য দুতাবাস কর্তৃক ইস্যুকৃত এনওসিতে বৈধ উল্লেখ থাকলে অথবা ওয়েজ আর্নার্স কল্যাণ বোর্ড হতে মৃত কর্মী পরিবারকে আর্থিক অনুদান প্রদান করা হলে তাঁদের স্থানগুলি শিক্ষা বৃত্তির আওতাভুক্ত হবে।

পৃষ্ঠা/০১

৪। শিক্ষাবৃত্তির ক্যাটাগরি ও মেয়াদ:

- প্রবাসী কর্মীর সন্তানদের শিক্ষাবৃত্তি নিম্নোক্ত ০৪টি ক্যাটাগরিতে প্রদান করা হবে:
- ক) পিইসি/সমমান : ৬ষ্ঠ শ্রেণি হতে ৮ম শ্রেণি পর্যন্ত ৩ (তিনি) বছর;
 - খ) জেএসসি/সমমান : ৯ম হতে ১০ম শ্রেণি পর্যন্ত ২ (দুই) বছর;
 - গ) এসএসসি/সমমান : একাদশ হতে দ্বাদশ শ্রেণি পর্যন্ত ২ (দুই) বছর; তবে ডিপ্লোমা কোর্সের ক্ষেত্রে সর্বোচ্চ ৪ (চার) বছর;
 - ঘ) এইচএসসি/সমমান : স্নাতক এর জন্য ০৪ (চার) বছর এবং মেডিকেল কোর্সের জন্য ৫(পাঁচ) বছর। এক্ষেত্রে সেশনজট বিবেচিত হবে না।

৫। শিক্ষা বৃত্তির যোগ্যতা:

ক্যাটাগরি/শ্রেণি অনুযায়ী বোর্ড কর্তৃক নির্ধারিত জিপিএ/সিজিপিএ প্রাপ্ত শিক্ষার্থীগণ শিক্ষাবৃত্তির যোগ্য বলে বিবেচিত হবে। বাস্তবতার নিরিক্ষে জিপিএ/সিজিপিএ সময়ে সময়ে পরিবর্তন যোগ্য।

ক্রম.	ক্যাটাগরি	বিভাগ	বাংলাদেশের কারিকুলাম অনুযায়ী	
			জিপিএ/সিজিপিএ	
			প্রবাসে কর্মরত কর্মীর সন্তানের ক্ষেত্রে	প্রবাসে মৃত কর্মীর সন্তানের ক্ষেত্রে
১।	পিইসি/সমমান	-	৫.০০	৮.০০
২।	জেএসসি/সমমান	-	৫.০০	৮.০০
৩।	এসএসসি/সমমান	বিজ্ঞান বিভাগ	৫.০০	৮.০০
		মানবিক ও বাণিজ্য বিভাগ	৮.৭৫	৮.০০
৩।	এইচএসসি/সমমান	বিজ্ঞান বিভাগ	৮.৮০	৮.০০
		মানবিক ও বাণিজ্য বিভাগ	৮.৫০	৮.০০

৬। বৃত্তির সংখ্যা ও বৃত্তির অর্থের পরিমাণ:

ক্যাটাগরি ভিত্তিক বৃত্তির সংখ্যা ও বৃত্তির অর্থের পরিমাণ ওয়েজ আর্নার্স কল্যাণ বোর্ডের পরিচালনা পরিষদ কর্তৃক নির্ধারিত হবে। তবে বৃত্তির সংখ্যা বিভিন্ন ক্যাটাগরির মধ্যে সমন্বয়যোগ্য।

৭। ক্যাটাগরি ভিত্তিক বৃত্তির সংখ্যা ও অর্থের পরিমাণ: (বছর ভিত্তিক)

ক্রম.	ক্যাটাগরি	শিক্ষা বৃত্তির কোটা (জন)	শিক্ষা বৃত্তির পরিমাণ	বই ও শিক্ষা উপকরণ ক্রয় বাবদ প্রদান
		বাংসরিক সংখ্যা	মাসিক টাকা	বাংসরিক টাকা
১।	পিইসি/সমমান	১২০০	১,০০০.০০	২,০০০.০০
২।	জেএসসি/সমমান	৮০০	১,৫০০.০০	২,৫০০.০০
৩।	এসএসসি/সমমান	৬০০	২,০০০.০০	৩,৫০০.০০
৪।	এইচএসসি/সমমান	৮০০	২,৫০০.০০	৪,০০০.০০

৮। বৃত্তির জন্য আবেদন আহবান ও আবেদন জমা প্রদানের পদ্ধতি:

- ক) আবেদন আহবান: ওয়েজ আর্নার্স কল্যাণ বোর্ডের ওয়েবসাইটে এবং প্রিন্ট/ইলেক্ট্রনিক্স মিডিয়ায় বিজ্ঞপ্তি প্রকাশ করে প্রতি বছর সংশ্লিষ্ট ক্যাটাগরিতে আবেদন আহবান করা হবে;
- খ) আবেদন আহবানের সময়: পিইসি/সমমান, জেএসসি/সমমান ও এইচএসসি/সমমান ক্যাটাগরিতে জানুয়ারি মাসে, এসএসসি/সমমান ক্যাটাগরিতে জুলাই মাসে আবেদনপত্র আহবান করা হবে;
- গ) আবেদন গ্রহণ: বৃত্তির আবেদনপত্র সরাসরি/ ডাকঘরে/ডিইএমও/অনলাইনে গ্রহণের বিষয়ে বিজ্ঞপ্তিতে উল্লেখ থাকবে।

পৃষ্ঠা/০২

৯। আবেদনপত্রের সঙ্গে নিম্নলিখিত কাগজপত্র দাখিল করতে হবে:

- ক) পিতা/মাতা প্রবাসী কর্মী হওয়ার স্বপক্ষে আনুষঙ্গিক কাগজপত্রাদি (যেমন: পাসপোর্ট, ভিসা এবং বিএমইটি'র বহির্গমন ছাড়পত্র (ম্যানগাওয়ার ক্লিয়ারেন্স) সম্বলিত পাসপোর্টের পৃষ্ঠা/স্মার্ট কার্ড অথবা বিদেশস্থ বাংলাদেশ দূতাবাসের মাধ্যমে ওয়েজ আর্নার্স কল্যাণ বোর্ডের মেমোরশীপের ফটোকপি;
- খ) প্রবাসে মৃত্যুবরণকারী কর্মীর সন্তানদের ক্ষেত্রে দূতাবাস কর্তৃক ইস্যুকৃত এনওসি/আর্থিক অনুদান প্রাপ্তির প্রমাণপত্র;
- গ) শিক্ষার্থীর ০২ (দুই) কপি পাসপোর্ট সাইজের ছবি (প্রতিষ্ঠান প্রধান/বিভাগীয় প্রধান কর্তৃক সত্যায়িত);
- ঘ) ক্যাটাগরি অনুযায়ী সংশ্লিষ্ট পরীক্ষার মূল নম্বর পত্রের (মার্কশীট) সত্যায়িত ফটোকপি (প্রতিষ্ঠান প্রধান/ বিভাগীয় প্রধান কর্তৃক সত্যায়িত);

১০। বাছাই ও নির্বাচন কমিটি:

প্রবাসী কর্মীর সন্তানদের বৃত্তি প্রদানে নিমিত্ত বাছাই কমিটি ও নির্বাচন কমিটি নামে নিম্নরূপ দুইটি কমিটি থাকবে।

ক) বাছাই কমিটি:

- | | |
|----------------------------------|------------|
| ১) পরিচালক (আইআরপি) | আহবায়ক |
| ২) উপপরিচালক (কল্যাণ) | সদস্য |
| ৩) সহকারী পরিচালক (শিক্ষাবৃত্তি) | সদস্য সচিব |

বাছাই কমিটির কার্যপরিধি:

বাছাই কমিটি সংশ্লিষ্ট বিষয়ে প্রার্থীদের দাখিলকৃত আবেদন যাচাই-বাছাই, তুলনামূলক বিবরণ প্রণয়ন, আবেদনের দ্বিতীয় পরীক্ষাকরণ, সাক্ষাত্কার গ্রহণ, বিভিন্ন অসংজ্ঞাতি অথবা যৌক্তিকতা তুলে ধরা, আবেদনপত্র মূল্যায়নপূর্বক বাছাইকৃত প্রার্থীদের তালিকা প্রস্তুত করে নির্বাচন কমিটির নিকট অনুমোদনের জন্য পেশ করা।

খ) নির্বাচন কমিটি:

- | | |
|--|------------|
| ১) মহাপরিচালক | আহবায়ক |
| ২) পরিচালক (অর্থ ও কল্যাণ) | সদস্য |
| ৩) পরিচালক (প্রশাসন ও উন্নয়ন) | সদস্য |
| ৪) মন্ত্রণালয়ের একজন প্রতিনিধি | সদস্য |
| ৫) বিএমইটি'র একজন প্রতিনিধি
(পরিচালক পর্যায়ের) | সদস্য |
| ৬) উপপরিচালক (শিক্ষাবৃত্তি) | সদস্য |
| ৭) পরিচালক (আইআরপি) | সদস্য সচিব |

নির্বাচন কমিটির কার্যপরিধি:

- ক) বাছাই কমিটি কর্তৃক সুপারিশকৃত প্রার্থীর তালিকা হতে বৃত্তিপ্রাপ্তির তালিকা চূড়ান্ত করা;
- খ) কোনো ক্যাটাগরিতে যোগ্য শিক্ষার্থী বেশি পাওয়া গেলে আসন শূন্য থাকা সাপেক্ষে অন্যান্য ক্যাটাগরির সঙ্গে সমন্বয় করা;
- গ) শিক্ষাবৃত্তি বিভাজনের ক্ষেত্রে বিভাগওয়ারী অভিবাসী এবং জনসংখ্যার ভিত্তিতে কোটা নির্ধারণ করা,

 ১০/০৩

- ঘ) নির্বাচন কমিটি প্রয়োজনে জিপিএ/সিজিপিএ নির্ধারণ করা, বৃত্তির সংখ্যা হাস বৃদ্ধি ও বৃত্তির অর্থ পুনঃনির্ধারণে সুপারিশ করা;
 ঙ) সময় সময়ে নীতিমালা পরিবর্তন, পরিবর্ধন ও সংশোধনের বিষয়ে সুপারিশ প্রণয়ন করা।

১১। বিশেষ শর্তাবলী:

- ক) একজন প্রবাসী কর্মীর সর্বোচ্চ ২ (দুই) জন সন্তানকে শিক্ষাবৃত্তি প্রদান করা যাবে;
 খ) এইচএসসি/সমমান ক্যাটাগরিতে শুধুমাত্র পাবলিক কলেজ/বিশ্ববিদ্যালয়ে অধ্যয়নরত প্রবাসী কর্মীর সন্তানেরকে শিক্ষাবৃত্তি প্রদান করা হবে;

১২। শিক্ষাবৃত্তির ব্যাংক হিসাব পরিচালনা:

শিক্ষাবৃত্তি প্রদানের জন্য পরিচালিত ব্যাংক হিসাবটি পরিচালক (অর্থ ও কল্যাণ) এবং পরিচালক (আইআরপি) এর যৌথ স্বাক্ষরে পরিচালিত হবে।

১৩। বিবিধ:

বৃত্তি প্রদানের পর কোনো শিক্ষার্থীর আবেদন ও প্রদত্ত তথ্যে অনিয়ম বা অসংজ্ঞাতি ও ভুল প্রমাণিত হলে কর্তৃপক্ষ বৃত্তি বাতিল/স্থগিত কিংবা আইনানুগ ব্যবস্থা গ্রহণ করতে পারবে।

মোঃ হাফিজুর রহমান
মহাপরিচালক (অতিরিক্ত সচিব)

নং- ৪৯.০৮.০০০০.০০৫.১০.০০১.১৯(১১)

তারিখ: ১৭ নভেম্বর, ২০২০খ্রি:

সদয় অবগতির জন্য অনুলিপি প্রেরণ করা হলো (জ্যেষ্ঠতার ক্রমানুসারে নয়):

- ১। মহাপরিচালক, জনশক্তি, কর্মসংস্থান ও প্রশিক্ষণ বুরো, ৮৯/২, কাকরাইল, ঢাকা।
- ২। মাননীয় মন্ত্রীর একান্ত সচিব, প্রবাসী কল্যাণ ও বৈদেশিক কর্মসংস্থান মন্ত্রণালয়, ঢাকা।
- ৩। সচিবের একান্ত সচিব, প্রবাসী কল্যাণ ও বৈদেশিক কর্মসংস্থান মন্ত্রণালয়, ঢাকা।
- ৪। পরিচালক (সকল), ওয়েজ আর্নার্স কল্যাণ বোর্ড, ঢাকা।
- ৫। জেলা প্রশাসক (সকল)।
- ৬। শ্রম উইং (সকল), বাংলাদেশ দূতাবাস।
- ৭। উপ-পরিচালক (সকল), ওয়েজ আর্নার্স কল্যাণ বোর্ড, ঢাকা।
- ৮। উপজেলা নির্বাহী অফিসার (সকল)।
- ৯। সিস্টেম এ্যানালিস্ট, ওয়েজ আর্নার্স কল্যাণ বোর্ড, ঢাকা (নোটিশটি ওয়েবসাইটে আপলোডের অনুরোধসহ)।
- ১০। সহকারী পরিচালক, জেলা জনশক্তি ও কর্মসংস্থান অফিস (সকল)।
- ১১। মহাপরিচালকের ব্যক্তিগত সহকারী, ওয়েজ আর্নার্স কল্যাণ বোর্ড, ঢাকা।
- ১২।.....।
- ১৩। অফিস কপি।

(নুরুল আখতার)

যুগ্ম সচিব

পরিচালক (আইআরপি)